

# [新手]兵都可以做將軍

作者: 陌生過路人

Powered by [紙言](#)

# 一.開學日

大家好呀，我叫陳宇誠，今年升上中四入咗班精英班，入到li班好處就係讀書風氣好過普通班好多，而壞處就係裏面都有咩人玩得，因為入得去既都應該好重視成績，咁我咪要慢慢好似佢咁沈迷讀書！？唔得，我一定唔可以咁做.....

「鈴...鈴」望一望個鐘，原來已經7:30，今翅仆街烏，學校7:50分就計遲到，如果開學第一日就遲到好似有D柒，然後用咗5分鐘搞掂晒就9秒9衝出門口，然後諗住飛的翻去，當我望到仲有3分鐘而仲差一個路口就到既時候個心都有咁緊張，點知，個車突然剎一剎，然後我睇出面原來有個自己學校幾靚既女仔趕住翻去然後衝燈，當個司機問候緊佢全家既時候我落車扶個女仔翻學校，近睇個女仔真係好靚，眼大，又有身材，根本就係女神，好彩翻到去啱啱好50分，送完個女仔去醫療室，自己就跑翻上去，當我跑到入去既時候發現開始點緊名，同個呀Sir點完名之後就坐係個死黨呀威隔離，傾咗陣之後，啱啱整親既女仔入咗嚟我哋班房，然後聽佢咁人講先知原來佢係我哋級女神曉琳。

「威哥條女jeng唔jeng？」

「屌你啦，人哋唔jeng就唔會做到級女神啦」

「你啱wo，不過係你心目中，都係嘉恩最jeng㗎啦(嘉恩係呀威個女朋友)」

當呀威想應我既時候發現全班都望住我哋兩個，我發現原來我哋傾得大聲咗D，真係好尷尬

「sorry呀咁多位同學，下次我哋傾計會細聲翻D㗎啦」

然後全班不屑咁望住我，屌又柒咗

《輸了你贏得世界又如何-輸了你贏了世界又如何》

## 二.學生會

聽完班主任同校長廢up之後就到小息，一到小息就梗係去樓下canteen買野食啦，

「誠仔，我有嘢益你呀，一陣放學嚟教員室搵我。」

啱啱同我講嘢既就係由中一開始做咗三年班主任既盧Sir，

「喂呀誠你又做咗D咩嚟，搞到盧Sir又嚟搵你？你係咪尋晚同人哋個女訓完嚟？」呀威搞笑咁講，全部人都將眼神望落我到，期待我點答佢，結果我想答既時候曉琳經過，成班毒撻見到女神行到附近全部都目不轉睛咁望住女神，跟住都冇人理我想講咩，全部開始討論女神，

「女神係我㗎，你哋咪撻再望佢啦」

「我實用床上功夫，令女神屈服我」

D人開始FF咁女神係佢，而我係度諗盧Sir會有咩益我。

keep住li個疑問去到放學，放學既時候同呀威交代聲就去咗搵盧Sir，一去到見到盧Sir已經係教員室對面間班房等緊我。

「誠仔快D過嚟，嗱li份嘢就係我想益你既嘢，裏面D嘢差唔多搞掂晒㗎啦，仲有未填既嘢就係留俾你搞啦，冇咩事就走啦。」

「Andy哥(盧Sir英文名)，我得罪你D咩，你竟然叫我選學生會，明知我對li D嘢興趣不大，做咩要咁搞我.....」

「得啦，我問過幾個老師佢哋都話你適合做㗎啦，冇得唔選呀，如果唔係後果自負。」

屌佢講到咁即係一定要硬食啦，打開份嘢，裏面D老師推薦簽名已經簽晒，學生推薦簽名都齊，只係差內閣名單同埋政綱，睇嚟盧Sir真係好想我選，點算好呢...屌都係快D搵翻呀威佢哋先。

行去餐廳既時候又見到曉琳，今次佢身邊有個男仔，個樣唔錯，又高又大隻，應該係佢男朋友嚟既，不過就算佢有拍拖都正常㗎，話晒都係級女神，去到餐廳既時候，呀威成堆人問我盧Sir益D咩俾我...

「陳會長，今年靠你幫我哋班毒撻發聲啦」

「喂內閣名單有冇位，我想做個幹事仔，起碼成績表裏面都有寫學生會幹事㗎」

「設計個電競比賽，俾我哋可以show off自己打機有幾勁，整到D女仔睇到成地水」

當我講完之後，佢哋就講咗上面一堆嘢。

唉睇嚟今次都幾難過啦，學生會既嘢都係等聽日先諗，反正仲有成個禮拜先截止。

《淪為行過寵物 貓狗了解我的淒慘-寵物》

### 三.籌備

一日過一日，話咁快得翻3日就要交表，內閣名單仲差一個人，差一個人負責學術，係我哋煩緊搵邊個負責學術既時候，個日同曉琳一齊行既男仔係我哋身邊經過，個樣仲要好似死老豆咁，睇嚟佢應該被曉琳飛，過多陣曉琳都係我哋身邊經過，睇嚟我既推斷係啱既，曉琳啱啱應該拒絕咗個男仔，曉琳經過個陣全部都用同一個眼神望住我，然後又望下曉琳，個下我知道佢哋想我叫曉琳入嚟我哋個內閣到。

「我唔問喇，人哋都唔知我係邊個啦，點開口問？」

「屌你咪FF咁多啦，我哋係想問你叫曉琳負責學術好冇，只要你話好既話，嘉恩就會去問嚟啦on9仔。」

屌咁樣俾呀威串完，覺得自己衝咗出嚟添。依家諗翻去如果唔係個陣佢哋提議既話，可能我既人生會同依家有好大分別。

夜晚就嚟訓既時候呀威突然打俾我，

「屌夜媽媽打俾我做咩？掛住我呀？」

「收皮啦，打俾你係因為曉琳答應幫你呀」

「屌仲諗住有D咩事你會咁突然打俾我，冇咩事就收線啦」

曉琳肯幫我？我冇聽錯？媽啊我哋級既女神竟然係入我支莊呀，然後我就係興奮既心情中訓著咗。

「仆街仔起身啦，就嚟遲到啦」

點解我塊面咁痛既，屌原來我家姐入嚟叫我起身，見咁耐都唔醒就打我塊面，望一望手機，SHIT！7:40分，唔通要遲到...

唉算啦遲到就遲到啦，

「喂幫我請半日假，冇謂被人mark遲到吖」

「仆街仔下次唔好再咁遲起身啦」

li個家姐由細到大都好錫我，雖然成日都叫我仆街仔，但係知道我永遠搵佢幫手佢都唔會托手踭。

反正都翻半日，趁有時間就諗下個政綱同埋參考下其他學校既政綱，等我哋唔駛交表前先趕頭趕命咁完成份政綱。下晝翻到去，搵齊咗自己內閣D人，就約放學開會傾，大家見到曉琳嚟咗，就變得好認真，相信佢哋既目的得一個，就係想係女神面前表現自己，屌li班毒撚係咪傻撚咗。交代完今年既政綱同埋內閣名單之後，真正既敵人終於出現...

《我虔誠愛你 以靈魂騷動你-騷靈情歌》

## 四.敵人

得翻大概一個月就到投票日，今年有兩個候選內閣，一個係我帶領既內閣-「Echo」，而另一個內閣係中四級既全級第一王子俊帶領既「Crash」。

「你知...唔知王子俊都選學生會？」呀威喘住氣講，

「一早就知，只係唔知佢幾時交表姐。」

冇錯我一早就知，點解？因為我中一既時候唔知點解識佢，然後每日都約埋一齊翻學，去到中三既時候佢同我講過話中四既時候會選學生會，仲有叫過我幫佢，原本我係想幫，直到佢講咗一句「我係li間學校最勁既學生，我選既話一定贏」因為li句，令到我對佢改觀，最後用個藉口話唔想選，點知盧Sir會叫我選，一切都嚟得太突然。

「既然都知道今年既敵人係邊個，咁我哋就係時候準備對面既黑材料啦。」

「仲有幫我搵齊人準備放學開會諗點樣造勢，諗口號，同埋幾時晒莊。」

放學前有一堂空堂，當全部人係度溫書既時候，我發現王子俊一直係度望住我，頂佢前世未見過男仔咩，正當我想問佢既時候，佢行咗過嚟，

「你之前唔係話對選學生會冇興趣㗎咩？做乜會走去選仲要由你做會長？你唔係覺得自己做會長會夠我鬥啊話？」

佢最尾個句特登大聲講出嚟，目的俾全班聽到，

「全級第一原來係咁㗎？知唔知咩叫禮貌？敢唔敢同我賭一鋪？如果你哋贏咗既我就做咩都得，但係我哋贏咗既話，你要同宇誠道歉，敢唔敢賭？」呀威好嬲咁講

「驚你有毛呀，賭咪賭囉。」

就係咁我同王子俊既鬥爭開始咗，今次我唔只係為面子而鬥，我仲係背負住我內閣既尊嚴，同埋呀威日後係學校既地位(因為如果輸咗呀威一定會被佢叫做一D好羞恥既嘢)所以今次一定要贏！

《現實裡裝英勇難避免-小伙子》

## 五.運動會

投票日前既兩個禮拜係整個學生會競選過程最緊張既時候，往年li個時候都會出現好大既轉變，係li兩個禮拜前我哋兩邊內閣都冇咩太大既動作，都係係朝早宣傳，lunchtime就拉下高from票，放學前就去低from拉票。直到...

運動會年年都會係投票日前舉行，兩邊內閣都會派發宣傳物資同埋一D福利物質，我哋都有準備，我哋係運動會之前將D物資分開擺咗係D學會室到，擺個度有幾個好處，第一個D學會係自己fd做主席，得佢哋有鎖匙，如果D物資有咩問題都可以容易D搵出係邊個做既，第二方便我哋係學校做宣傳同埋擺去運動場。去到運動會前最後一日既上學日，放學既時候我哋去擺物資，發現有D物資唔見咗，大家都feel到今次好嚴重，會影響到我哋會唔會當選，所以大家面有難色唔敢出聲，

直到曉琳開口，「依家點？大家係咪去到依一刻先放棄？呀威用咗自己既面子同人哋賭，依家只係遇到少少挫折，大家就好似已經打定輸數咁，特別係你呀宇誠，大家睇你頭㗎，我哋咁多個幹事都一直陪你去參選，只要你話唔放棄，我哋都一定會繼續撐落去！」

我聽到眼濕濕，估唔到曉琳竟然認同我，跟住我做咗人生一個好冒險既決定...就係決定聽日唔派宣傳物資，去到運動會既第二日先至派，我要殺王子俊一個措手不及。

點算之後發現我哋既物資係連一半既學生都派唔到，

「咁點算，唔夠物資派，就算係第二日派都唔夠...」

呀威開始擔心，我決定搵一個人幫手-肥熙，識咗十幾年既死黨，搵佢做咩？佢冇讀書之後就同女朋友一齊經營一間IG

SHOP，係專賣一D小飾物，我想叫佢哋幫我整一D飾物做宣傳物資，最後好彩肥熙冇托我手踭。

解決咗宣傳物資既問題之後，最大既問題就係運動會lunchtime既時候要落去做宣傳，用3分鐘去拉票，份稿我諗到頭都大埋既時候都諗唔到，突然曉琳whatsapp我

曉琳:hi得閒嗎？

我:得閒，做咩？

曉琳:PDF檔 熟讀既，知你未諗到稿

我:多謝晒，我真係諗唔到稿，遲D請你食飯補數

曉琳:你話㗎，記住請呀

---

就係咁曉琳慢慢咁令我心動了，佢慢慢咁闖進我的心。

《為何還流動在心扉 日後只想抱著你-跌落凡間的天使》

## 六.答問大會

最後運動會有驚無險咁度過咗，全靠曉琳寫既稿同埋肥熙既幫手，我哋成功殺王子俊一個措手不及，同埋贏得好多同學既支持，一嚟我哋份稿係希望學校改變對學生既政策，二嚟我哋D宣傳物資全部都好靚同埋好有心機，D同學覺得我哋既宣傳物資俾對面有心機好多，唔似對面內閣就咁係淘寶一大堆咁訂。

係答問大會前既上學日，放學我約咗全部幹事開會，諗下點對付聽日既答問大會，

「大家有冇咩諗法？」大家聽到之後都係冇出聲，直到佢出聲。

「大家俾D精神嚟啦，我哋連運動會都可以捱過，今次答問大會又冇任何痛腳被對面捉到，所以放鬆D啦！」曉琳一出聲，班兵仔們立刻提起精神，最後傾咗兩個幾鐘就決定好聽日點問對面，同埋大概估計對面會問既問題同埋預備li D題目既答案。

食完飯之後就翻入房，準備一下聽日既心情，同埋放鬆下自己，正當諗住同班fd一齊係召喚峽谷裏面用牙膏剝人既時候，曉琳突然send wts嚟

---

曉琳:hi，你依家對聽日既答問大會緊唔緊張？

我:ok啦唔算係太緊張既，你呢？

曉琳:我好緊張，我好驚D人會係台上話我收兵，鬧我娘娘，最擔心係驚因為D人覺得我係娘娘而令到我哋內閣輸咗

我:唔駛咁驚啦，我保證聽日如果對面咁話你既話，我一定幫你報仇

曉琳:你話㗎

---

——當時既我，就梗係當搞笑咁講，

唔係認真㗎啦。

答問大會係朝早舉行，我哋兩邊內閣一早已經準備好，一開始就係介紹內閣政綱，兩邊都冇咩太多分別，去到兩邊內閣既質詢環節，開始火藥味濃喇，第一條既問題對面諗住直接打沉我既信心，

「友閣你好，我想問陳宇誠同學，你之前係咪講過話對選學生會冇興趣？」我聽到既時候心諗仆街啦，我應該點答？反打一波？定係應低威？

「多謝王同學既問題，冇錯我之前係話冇興趣選學生會，但係你聽漏咗D嘢，我係話冇興趣同你一齊選學生會，而唔係冇興趣自己參選wo」冇錯我係作咗D嘢出嚟，反正我同佢既事，都冇第三個人知，我講大話都係得佢一個知，所以完全唔擔心。個答問大會除咗第一題之外，其他題目都係較為普通，而值得一提既就係，係學生質詢環節，全部同學都係對佢哋既內閣提出問題，而冇好多問題佢哋都係答得較差，可見今次勝算高了。

《寧願天去收我 也替你受重傷  
金鋼跟美女戀上 也是個傳奇狂想-Kong》

## 七.投票日

係完咗答問大會既一個禮拜之後，就真係到最後衝刺，因為一個禮拜後就係投票日。

係li一個禮拜，我哋內閣差唔多全部容許宣傳既時間，我哋都會宣傳，相反，王子俊佢就咩都冇做，好似已經放棄咗咁。

「宇誠，你覺唔覺王子俊好似有D奇怪，佢咩都冇做，好似放棄咗選舉咁。」

「放心佢唔係放棄咗選舉，係想打心理戰，佢想我哋覺得佢仲有贏面，想嚇窒我哋，我搵人查過佢哋真係冇晒辦法，佢哋既內閣成員更加已經知道自己內閣輸硬，所以佢哋依家只係希望個日有奇蹟既發生。」冇錯，佢哋真係一早放棄咗。

以下係我同王子俊既Whatsapp內容

---

王子俊:hi?聽日lunchtime得唔得閒?

我:做咩?如果有嘢講既就係依度講，唔係好想同你見面。

王子俊:咁好啦，我諗今次學生會既選舉你已經贏咗喇，我必須承認我低估咗你，我估唔到你竟然有辦法反打我一波，我一開始諗住你冇晒D宣傳物資既時候，你會感到徬徨唔知點算，然後就會放棄，點知你竟然可以有辦法拆解li

D問題，仲可以咁樣反勝我，最後既答問大會我估唔到你答我第一條既時候會咁答，你既答案將成個答問大會既劇本改變咗，我真係佩服你，我唔應該睇少你，應該咁講你係有領導能力既，禮拜四點完票無論輸贏可唔可以影張相?

我冇再應佢機，去到投票日，我哋學校係早會既時候投票，放學就點票，個日完全冇心機上堂，連數學同通識測驗都係hea做，時間過得真係快，好快就放學，放學之後我哋整個內閣齊齊整整咁行到去學生會室點票，而對面既內閣只係得主席同埋兩個副主席加兩三個幹事嚟監票，睇嚟佢哋真係放棄咗。

聽完學生會負責老師既廢話，點票開始，點票過程我哋由頭領先到尾，最後而437票比153票贏咗王子俊既內閣，個刻我完全唔覺得開心，畢竟佢都係我識咗3年幾4年既朋友，反而我想安慰佢，去到最後由上屆學生會主席既手接得學生會室既鎖匙，大家影埋張相就話今晚一齊食飯，

「你哋去酒樓擺位先，我一陣過嚟。」

叫咗大家走之後得翻我同王子俊加幾個老師

「喂，你係咪想影相？」

「係呀！你係咪同我影？宇誠我真係唔應該睇少你，你令到我知我係li間學校唔係無敵，起碼有你li個人可以擊敗我，我會同呀威道歉㗎啦，最後要多謝你令到我成長。」

影完相就搵咗呀威佢哋。

「今日宇誠請食飯，大家任叫，唔駛睇價錢，想食就叫啦！」呀威咁講，仆街啦，好彩平時家姐有時都會俾下錢我，如果唔係的話，我成個月食麵包都請唔起，最後大家都飲下酒，曉琳都有飲，結果飲咗少少就暈暈地，我見咁樣又唔想掃大家興，就擺低錢就送曉琳翻去。沿途我都係扶住曉琳，行陣就見到的士，當時當然諗都有諗就上咗架的士，結果送到曉琳翻去個陣聽多佢細細聲講佢鍾意邊個，但係真係太細聲，我只係聽到「其實我真係好鍾意...」然後就聽唔到佢講咩，不過個陣我真係冇諗D咩，因為我覺得我高攀唔起女神。

《不懂愛恨情仇煎熬的我們 都以為相愛就像風雲的善變-江南》



## 八.統測

每年既十月十一月就係我哋學校既上學期統測，今年既統測就安排係學生會選舉之後既兩個禮拜，「仆街仔，準備好溫書未？」

「書攞駛溫啲咩，我讀個幾科裸考都可以好高分啦」呀威輕鬆mode咁答，佢讀既科係Phy，Chem，Bio仲有多科M2tim，而小弟就廢D，只係讀Phy，M2仲有科係因為唔知揀咩而揀咗BAFS，好多人問我揀科個陣係咪填錯咗，我多數都係話，唔想讀Chem，又唔想讀D垃圾科咪揀科正常D啲囉。而曉琳就係一個完完全全既文科人，佢讀中史加文學，大多數既文科人對數學既感覺都係憎恨，同樣地曉琳都一樣，而小弟既數學成績就都算幾好，只係次次都係因為D careless mistake而扣咗一兩分，係中一至中三都係keep住數學科全級第二第三。當我知道曉琳數學唔好就梗係搵機會約佢，教佢數學，順便獻下殷勤啦，係考數前一個禮拜，每日放學我都會約曉琳係班房溫，每次都溫到校工趕我哋先走，然後禮拜六日我哋就會係佢屋企樓下個會所溫書。去到考數前個日，我哋都係考完一科就走，我哋就直接去會所溫，咁因為佢係級女神啦，平時同佢係學校都冇咩交流，費事D人又係度亂傳，所以同佢都冇試過單獨食飯，咁個日原本諗住考完同呀威班人去食個早餐然後去網吧大戰幾個鐘，點知曉琳考完既時候問我可唔可以早D溫，女神出到聲就梗係點都話可以啦，然後同呀威佢哋講話有嘢做走先。去到搵曉琳，曉琳話係佢樓下等陣，等咗陣佢換咗條白色短裙同埋放埋D頭髮落嚟，我望到紅都面晒，

「宇誠，我靚唔靚呀？」

「靚，世界上最靚就係你。」當然係搞笑咁講

「我想你陪我去一個地方。」

我就跟住佢去到一間韓燒既地方，

「其實我一直都想嚟，但係學校D女仔又咁心機婊，佢哋成日係表面上同我好fd，但係私地下成日話我到處勾仔，然後同學校D男仔嚟食，又話我派軍糧，真係好煩，所以我就搵咗你嚟陪我食，冇問題咩？」

「冇問題呀，學校D八婆係咁黑人憎啲啦，所以一直係學校我都係做個邊緣人，係今年先叫出名咋」

「你個名一直係學校都好出名啲wo，你以前係普通班既成績成日都會係精英班到講起啲wo，好多老師都覺得你係普通班既神人嚟啲wo，踢波又勁，上年仲要幫學校擺學界冠軍，又係學校辯論隊隊長，上年又代表學校贏咗個辯論比賽冠軍，校長都上台讚你，你點會唔出名呀？」

li餐飯大家都互相讚對方，食完之後就開始溫書，不過今次溫書既地點唔同，去咗一間coffet shop，一溫就溫到八九點，然後同曉琳一齊食埋飯就送佢翻去，去到考之前佢都仲係冇信心，結果我用咗個氹細路既方法，我同曉琳講，如果佢數學合格的話，佢想我做咩都得，佢就好開心咁去上戰場。

過咗一個禮拜就開始派卷，今次除咗得中英文係全級第十之外，其他科都係全級頭五，而曉琳除咗數學之外，全部科都係全級頭五，而佢數學都算高分34/50，佢攤到卷既時候仲要係我面前fing，驚死我見唔到咁，而我今次數學卷都係因為一個careless

mistakes而扣咗一分，49/50王子俊就滿分繼續蟬聯全級第一。

禮拜五臨放學前有一堂Eng

Speaking堂，咁因為老師覺得我哋對住異性講英文會留底，所以就要求我哋同異性同組，而曉琳就搵咗我，原本都冇咩事，直到就嚟完個陣，佢問我聽日得唔得閒，我答佢得閒吖，佢就話想約我聽日行街，正常人聽到女神約佢，應該會開心到仆街，而我係驚到仆街，因為同佢溫書個一個禮拜已經睇清楚佢，最後個晚一直都訓唔到，猶如軍人準備上戰場，然後個心一直係度祈禱，主呀求你聽日唔好搞鳩我呀屌，阿門。

《假如我年少有為不自卑 懂得什麼是珍貴-年少有為》

## 九.約會

「I want something just like

this...」電話響，正當我諗邊條hihi咁早打嚟，我一擺起手機睇，心諗今次仆街啦，冇錯我係訓到遲咗，佢奪命call咗我不下20次我先醒，我戰戰兢兢咁覆翻個電話俾曉琳

「喂，宇誠你終於醒喇，你要幾耐先可以出到嚟？」

「Sorry ah，我諗我半個鐘應該可以到。」

「咁我係XXX到等你啦」

我聽到佢語氣咁正常，心諗應該冇事掛，去到既時候我知我錯了。去到個道既時候，見到曉琳翹住腳，塊面仲黑過炭，

「曉琳sorey ah，唔好嬲吖」

「好難唔嬲你wo，約你10:00你就11:30先醒，知唔知我等你既時候係幾咁無助？」佢開始眼泛淚光

「Sorry ah，我應承你冇下次吖，唔好嬲啦」

「嗯，睇下點」

然後佢就拉住我去冒險樂園，個時我諗wtf一個中四學生竟然嚟冒險樂園，不過算啦佢開心就好了，我用咗二百蚊同個度D呀姨換幣，然後同佢玩咗差唔多個幾鐘就玩晒。

「肚餓未呀？」

「.....」

「唔好嬲啦，Sorry ah」睇嚟佢仲未嬲完tim

「.....」

「你想點先唔嬲呀？」

「好簡單姐，每日送我翻學送我翻屋企，送到本小姐心情好既時候就唔駛你送喇」我屌，正當我仲諗佢做乜鳩既時候，

「唔好係個心到問候我，如果唔係再罰甘點㗎」

「okok，送翻學送翻屋企姐...」

講完佢心情好似好翻好多，拉住我去搵嘢食，結果去到間韓燒面前佢就停低咗

「姐姐你唔係又想食韓燒吖嘛？」

「你咁聰明既，我真係想食呀，不如入去食囉」

「eh...」

「唔食既話，後果嚴重」唔撚係下話，過咗一個禮拜多少少又食韓燒，今次佢叫到成檯都係野食，最後淨翻勁多嘢食，埋單個陣好尷尬，隔離個幾檯既客係度望住我哋浪費嘢，然後有個呀媽係度對我哋指指點點，正當我想還拖既時候，曉琳拉住我件衫

「咁我哋真係浪費D嘢食吖嘛，算啦」見曉琳咁樣講，我即刻冇晒火，連想話佢既火都冇埋，之後同佢行多陣就送佢翻屋企，然後？就冇然後。第一次同曉琳出街就發生咁多事，搞到個心都好劫，一翻到去連涼都冇沖就訓咗。

《因為我剛好遇見你 留下足跡才美麗-剛好遇見你》

## 十.傳言

自從個次約會之後，我就照承諾每日都做佢既保鑣，跟佢翻學送佢放屋企，有時食飯都會一齊食tim，慢慢學校就開始有D傳言出嚟，而聽得最多就係

「唔係咩嘛，曉琳點會睇得佢上眼㗎，雖然個男仔個樣唔差，但係都唔會係曉琳條仔下話，應該兵嚟㗎姐」

「我個女神點會鍾意個廢柴學生會會長㗎」

「曉琳係我㗎，個垃圾會長只係兵嚟㗎姐」

以上既說話都算係咁多句裏面，算係好聽既，更加難聽既都有。慢慢連呀威個D都問我係咪食咗曉琳，我話冇佢咁又唔信，同佢咁講嘢根本就係對牛彈琴。然後有一晚有個稀客突然搵我，

「喂，宇誠知唔知我做咩打俾你？」

「大佬我點知呀，你平時都唔打電話俾我，連係學校都冇咩傾計，老老豆豆喇，打俾我做咩先？」

「你知唔知D傳言已經傳到去曉琳到先？」

「大佬呀，如果佢收到風都正常㗎」

「咁你對曉琳有冇feel先？」

「eh...」

「冇定冇？」

「.....」

「得啦唔駛答喇，我已經知㗎啦，Bye」

「喂，多謝你㗎，紙巾姐，Bye」

啱啱打嚟既係我個鄰居，陳芷晴，我哋由幼稚園就同班，直到中四都係同班，佢同曉琳都好熟，而佢一直都暗戀呀威，可惜呀威有女朋友喇，如果唔係我真係好想見到佢同呀威一齊。

去到第二朝翻學，同樣地同曉琳一齊翻學，但係今日既曉琳表情有D奇怪，

「個樣做咩咁辛苦既？」

「冇咩嘢，只係覺得有D唔舒服姐」

「係咪大姨媽嚟㗎？」

「嗯，有D唔舒服...」

我行係佢面前，然後用個背脊對住佢，

「上嚟喇，我咩你翻去啦，我驚你痛痛下行路都冇力呀」

「嗯，唔該曬你呀...宇誠」

就係咁我由佢屋企樓下咩到去學校門口前既一條直路，點解唔咩到翻學？因為學校門口有老師，唔想D老師問三問四，所以就係學校附近扶佢翻去算，去到樓下既時候送佢上課室之後就九秒九跑落去canteen買熱既維他奶，諗住上到去俾佢飲，然後見到佢訓咗係度就將枝奶擺係佢張檯到，然後坐起佢隔離陪住佢，佢訓教既樣真係好特意，真係好可愛，好想將li一刻永遠都定格，慢慢咁開始多人翻，然後佢都醒㗎，佢一起身望到枝奶個表情真係好jeng，第一眼望到係驚訝，然後係溫暖既笑容，之後就望過嚟做口型多謝我，個刻個心都被佢既笑容融化，過咗冇耐班主任都入㗎喇，佢一入嚟就打開咗個表，話係座位表，全部人既隔離都係異性，我望到我隔離竟然係曉琳，媽呀好開心呀，曉琳睇完之後都望咗過嚟笑一笑，我覺得我坐佢隔離係會被佢既笑容殺死，因為班主任話Lunchtime個小息先好調位，所以我一直都好期待曉琳坐係我隔離既畫面，但係...

《難道我可以扭轉宿命 重遇你一次-長相廝守》

## 十一.錯誤

玩緊卡特係度轉既時候，檯上面既電話係咁震，原來係紙巾姐打俾我，

「喂？」

「喂...宇誠...知唔知...曉琳有男朋友喇？」

「What the fuck? 你講真㗎...？」

「係，佢啱啱接受咗周文豪既表白...」

「.....」

「宇誠你冇嘢咩？」

「我...冇咩事，如果冇嘢既話我想靜陣」同完芷晴傾完之後我咩都唔想做，直到家姐翻嚟。

「仆街仔，你係度做咩撚嘢，平時li個時候你一係打緊機，一係就同人whatsapp㗎，點解你個樣咁頹廢既？」

「家姐，我.....咩都冇喇...」開始控制唔到自己，係家姐面前喊，同家姐講完成件事之後，佢就拉咗我去海濱，然後開始飲啤酒，慢慢唔知飲咗幾多罐，訓低咗，直到自己好想嘔既時候，發現家姐送咗我翻屋企，然後望一望部手機，屌發現曉琳係咁whatsapp我

「宇誠做緊咩？」

「忙緊？」

「訓咗？」

「快D應機啦，我有件開心事想同你分享呀」

「衰人快D應啦」

我只係應咗佢「Sorry呀曉琳，我諗我以後都唔會再送你翻學送你翻屋企，你就當係我違背諾言啦」第二日翻學，見到周文豪同佢一齊翻學，唔知點解個心痛咗一痛，上到課室曉琳坐係我隔離，見到佢既笑容，個心唔知點解好似唔屬於自己咁，好那痛，佢同我講嘢既時候，我好想應佢，但係個心又好似同我講「佢已經有男朋友㗎啦，let it

go啦」上書上堂都係度頹廢hea，去到食完飯上完一堂數學堂就有連堂PE，因為PE會同隔離班上，咁啱會同周文豪個班上，係做熱身個陣周文豪特登行過嚟同我講「曉琳當你兵咋，on9仔，佢鍾意個個係我而唔係你呀，垃圾」

「哦，所以？你想證明自己好撚威？一陣PE堂踢波，你踢得贏我個班既，我對你叩頭認錯，但係你輸既，同我去廁所聞尿兜，敢唔敢賭？」

熱完身就開始踢波啦，我哋7打7踢30分鐘半場，

我個隊:我·呀威·四個足球隊加一個籃球隊

周文豪隊:佢加三個足球隊三個籃球隊

一開波，我哋打防守反擊，特登比佢哋覺得有機會入我哋波，但係其實佢哋係冇可能入到，因為我哋條防線係上年贏學界冠軍既後防，就算我哋hea踢都一定唔會失波，我哋守咗10分鐘之後就開始狂攻，最後係上半場狂攻既情況下入咗4球，4-0完半場，下半場出到嚟，我哋隊都係keep住狂攻，自己都帽子戲法埋，係臨完場前，周文豪想同我爭頂，我特登浪一浪佢，佢被成個浪咗落地，最後佢條頸同左手甩餃，佢臨上白車前我同佢講「你啱啱話邊個垃圾？邊個隊波輸到9-0？邊個垃圾要入院？等你翻嚟聞尿兜呀垃圾。拜鳩拜」

上到課室全班女仔都為我著迷，只有佢一個係例外既，

「宇誠你點解要咁做？」

「你理撚得我，你由唔係我邊個」

「我對你好失望，點解...」然後佢一枝箭跑走咗

媽呀我有講錯咩，佢係我邊個wo？我又唔係佢條仔，更何況佢只係當我係兵咋，我都未黓佢，佢就黓鳩我，冇嘢下話？

去到聖誕節前，我同曉琳大家都係唔出聲，坐隔離就連檯都分開埋...媽呀，女人真係好難捉摸。

《你要我說多難堪 我根本不想分開-安靜》

## 十二.聖誕(一)

好快就到聖誕，而我學校既傳統就係學生會負責當日聖誕聯歡會既活動，雖然年年都活動大多數都一樣，高form就睇Talent Show，低form就睇Sing

Con，但係我哋都要約出嚟開個會分工，我係內閣個wts gp打咗句「聽日放學SU室開會傾Xmas」過咗冇耐已經差唔多全部人都覆ok，只有曉琳冇覆，我想inbox問佢既時候，發現佢冇咗個Icon，我諗佢應該block咗我，「算啦佢都block咗我，咁我都係唔好煩佢喇，聽日佢鍾意嚟就嚟，唔嚟就算」然後打陣機就訓咗

第二朝一訓訓到8:00，OH SHIT，

「喂，家姐幫我請假吖，訓遲咗」

「Ok，下晝記住翻」

打完個電話俾家姐之後繼續訓，一訓訓到11:00，發現呀威打過俾我，然後又wts我，

「周文豪翻咗嚟，佢老母同老豆都嚟咗學校，佢哋係A班門口係咁叫你出嚟，我哋話你冇翻，然後佢哋話你係咪驚，所以唔敢翻，之後校長上嚟趕走咗佢哋，宇誠你自己小心D，佢哋應該唔會就咁算。同埋下晝你翻唔翻，如果翻既話幫我買是但買個飯翻嚟吖」

睇完wts之後我覺得冇咩嘢，反正佢哋都唔會搞到，hea多陣就換衫翻學。翻到去校長搵我，

「宇誠你知唔知今朝有家長嚟搵你？」

「我知。」

「咁你想點做？」

「有咩點做吖，唔通我同條廢柴道歉？先聊者賤打死無怨。」

「咁我明喇，宇誠小心D，唔好咁衝動，你係學生會會長，你係代表緊學校嘍，如果仲有事發生就直接嚟搵我啦，你依家可以走啦。」

一上到班房，俾咗個飯呀威食就直接去4B班搵周文豪，「垃圾豪，出院喇？記唔記得你要做D咩？依家快D去喇，廁所冇咩人吖，唔駛驚比人笑啦」

「屌你老母，點解你咁都可以做學生會會長？咁撚仆街既人我都係第一次見。」

「你理撚得我點解做得學生會會長吖，願賭服輸，快D去廁所聞尿兜啦」佢仲係冇郁到

「唔好要我再重複多次」講完見佢唔郁，就去咗搵呀威個D過嚟B班，然後叫囂，最後呀威個堆人抬佢去廁所，然後我偷偷地用IG開直播，個live最後有15個人睇，再加埋我哋級既男仔，相信li件事聽日全校就會知道。繼續下晝個D堂我都係訓教，一訓就訓到放學，訓到呀威叫我落去我開會先醒，落到去開會，曉琳果然冇嚟，大家都問駛唔駛等埋曉琳，

「佢鍾意嚟就嚟，唔嚟就唔好嚟，唔駛等佢，開始會議，文書準備好紀錄.....」就係咁開咗兩個鐘會分好晒工就走，走既時候見到芷晴，同佢順路就一齊走，去到門口既時候發現一男一女係度望住我哋，

「宇誠佢哋就係周文豪既父母，佢哋應該係等你放學，小心」

「驚春咩，行啦」

我哋係佢哋面前行過，突然有人叫我，我哋望去後面，發現佢哋跟住我哋後面，然後一巴車咗落去芷晴到，

「陳宇誠，我要你感受下自己重要既人受傷既滋味」

佢哋仲想打，我捉住佢隻手，「你哋試下打落去，我可以擔保你個仔唔會只係入普通病房，係入深切治療部。」我好認真咁講，結果佢哋都係打咗落去。

「芷晴對唔住，最衰都係我啦，如果唔係.....」

「你咩都唔駛講，你只係答我，你係咪諗住搵佢？」

「係.....」

「你應承我唔搞出人命得唔得？」

「ok...」

之後我就送咗佢翻去，翻到自己屋企既時候，我打咗俾一個好耐冇傾過計既人

「喂.....」

《二百年後再一起 應該不怕旁人不服氣-命硬》

## 十三.聖誕(二)

「喂，誠哥咁耐唔打嚟，搵我一定唔係好嘢啦，講出嚟睇下我幫唔幫到你。」

「MK賢，我想你同你班兄弟幫我接一個人放學，叫周文豪。」

「誠哥竟然叫我接li個人放學？佢做咗D咩竟然令我哋誠哥咁嬲？」跟住我講晒全部嘢俾佢聽，佢聽完之後「得啦，誠哥叫到實幫你接佢放學，聽到佢咁仆街，我同班兄弟識做㗎啦，一定唔會搞出人命既。」

「唔該晒你。」

「唔好收線住，咁耐冇見聽晚出嚟飲杯嘢，ok？」

「聽晚見」

MK賢佢係我以前教會既朋友，佢呀爸係有背景既人，自從佢冇翻教會之後，就走咗佢呀爸條路，依家佢係佢個區算係一個幾出名既人，冇一個MK仔唔識佢，以前佢成日叫我跟佢，我雖然把口話唔肯，但係只要唔係犯法既嘢我都幫佢，所以我哋不嬲關係都好好。

傾完電話之後，就翻上床訓教，期待聽日放學食花生。

第二日翻到學校照常訓教，訓到lunchtime被呀威叫落去食飯，落去既時候順便行過B班睇下周文豪有冇翻，見到佢有翻就係廁所wtsMK賢周文豪張相同叫佢放學準時嚟接放學。食完lunch之後既堂我都係繼續訓，訓到就放學既時候呀威叫醒我，

「屌字誠快搵D出去睇咩事，門口好搵多MK仔呀。」

「哦咁咋，D MK仔唔係嚟搵你㗎，同埋一陣放學唔好咁快走，係上面睇埋戲先好走。」

過咗冇耐打放學鐘，見到周文豪同曉琳一齊走，仆街咁一直咪會搞到曉琳，我作咗個好on9既藉口叫曉琳唔好走

「曉琳，唔好走住，我以學生會主席既身份有嘢同你講。」見到周文豪仲未走我補充多句「請周同學離開學校，因為我哋一陣要傾既嘢係機密」佢仲係企係度唔走，我打個眼神俾呀威，呀威就帶住佢班兄弟抬周文豪出學校門口，而我都把握時間同曉琳講嘢，

「曉琳對唔住，之前我唔應該咁樣話你，sorry」

「你咩都唔駛講，我好嬲你，點解你係度唔肯聽我講嘢？冇錯我係接受咗佢表白，只係我呀媽想同佢呀媽打好關係先叫我接受㗎咋，我唔鍾意佢㗎...對佢一D

feel都冇...」佢開始喊，有幾滴淚水掉緊落地，

「曉琳，我唔知我可以講咩，我諗唔到除咗對唔住仲可以講咩.....」

「.....」我攤張紙巾幫佢抹淚水，佢突然攬住我

「宇誠你可...唔可以唔...好離開我，自從你鬧我開始...我就好驚冇咗你.....」

「唔好傻啦，我點會離開你呀，我li一世都唔會離開你，直到你唔要我為止，好冇？」我伸出尾指同佢勾手指尾

「宇誠你鍾唔...鍾意我？」

「唔話俾你知」

「宇誠...我」佢一嘢嘴咗上嚟

「宇誠我鍾意你呀，我一直...都好鍾意你，由你...中二個陣幫我趕走班MK仔既時候...我已經鍾意咗你，我一直都唔敢...同你講，驚你一直...都係...當我係普通朋友...」我咩都冇講，只係攬實佢...享受同佢一齊既時光，最後我送埋佢翻屋企就自己一個搭地鐵翻屋企，準備今晚同MK賢飲酒

---

另一邊廂，周文豪出到學校門口就俾MK賢用麻布袋笠落個頭到，然後MK賢帶佢上車，係車上面MK賢班兄弟不斷打佢，打到去佢屋企樓下就掉佢落車，周文豪翻到屋企，佢呀爸呀媽問佢咩事，佢就話被人打，然後佢呀爸就打咗俾宇誠

「陳宇誠你都幾好嘢，打到我個仔咁，你小心D，出街睇車呀」



「哦你想點？如果你想玩嘢既話，我無任歡迎」

《確認過眼神 我遇上對的人-醉赤壁》

## 十四.聖誕(三)

「到未呀，好攞凍呀屌」

「行緊嚟啦，等多陣啦」

問完之後就繼續企係觀塘海濱個條望海既路，一路玩手機一路等佢，玩到無聊既時候有個MK味濃既陌生人行過嚟，

「我想問你係咪叫陳宇誠？」

「係」

「大佬，佢話佢係wor」

後面有個肥仔金毛係度叫「兄弟上，記住唔好打死佢，打到佢半殘就收手啦」

聽到之後就開始鳩跑，後面有十幾個MK仔係度追我，我由觀塘海濱跑到去商業區個足球場，再跑入APM，去到APM先至唔見佢哋，

「喂，仆街你去攞咗邊？」

「我啱啱到海濱，你去咗邊？」然後我講晒啱啱發生咩事

「咁係APM間KFC等我啦，到時再傾點對付佢哋啦」

等咗10分鐘MK賢終於到，佢身邊仲有4個MK跟班，個個眼神都好似想食人咁，如果唔識佢真係會驚咗佢

「仆街仔終於嚟喇，頂頭先如果唔係跑得快，真係連命都冇」

「宇誠你依家想點做？駛唔駛幫你做嘢？」

「你幫我搞周文豪既老豆老母得啦，佢哋兩個要玩嘢我陳宇誠奉陪到底」

第二日，MK賢就約咗我去新蒲崗D工廠到，入到去就見到周文豪個父母係入面，兩個都被人打到傷晒，

「哇屌你叫你就係睇li兩個傷者呀？」

「梗係啦，佢哋兩個敢叫人搞你wo，唔打到佢哋半死，點同你交代？」跟住我就冇答佢，我望住周文豪既父母講

「你兩個想搵人打我？訓攞醒未？你哋覺得我陳宇誠會咁易被人打到？當日你哋打我個fd，今日我向你們保證，我唔搞到你哋家無寧日，我陳宇誠個名倒轉寫」

「求下你...放過我哋，我哋...有眼不識泰山...放過我哋同埋...文豪...」

「你哋係咪持住屋企有錢，係電信界龍頭，就逼曉琳同你哋個仔一齊？」

「係...如果你唔鍾意既話，我...哋會咁叫...文豪離開曉琳喇喇...」

「唔駛，我想睇你冇咗間公司仲會唔會咁囂張。」

講完之後打咗個電話俾一個我li世都唔想見到既人-我舅母

「喂，幫我買起周氏電信公司既全部股份」

「終於有求於我？記住之前我哋既協定，如果你係中五之前動用你呀爸留俾你既錢，你就要放棄間公司，有冇問題？」

「得啦，叫你買就買啦」

過咗冇耐，周文豪個呀爸電話響

「大件事啦周生，我哋公司俾人惡意收購股份，依家我哋公司得翻兩成股份係未被對方收購...」聽完就扔走咗部電話

「陳宇誠，你究竟係邊個」

「我係陳宇誠囉，我只係一個普普通通既市民，又咁啱夠錢買起你哋D股份姐，依家你哋冇咗間公司睇你哋仲可以點惡」

「我哋知錯啦...你可唔可以停手...最多你叫我哋做咩...我哋都做...」

「你哋兩個同我離開香港，留翻周文豪係香港，我要玩殘佢，有冇問題？」

「冇，你放咗我哋...我哋即刻買機票走...」

就係咁，搞掂咗一件事，正當我想翻屋企訓既時候家姐打俾我

「喂，家姐做咩？」

「你啱啱係咪收購咗周氏電信公司？」

「係，做咩？」

「今次仆街啦，生前呀爸同人哋關係好好㗎」

「咁又點？人哋搞你細佬唔同唔還拖？依家唔買都買咗啦，有咩都係等遲D有事先諗啦」

原來家姐打過嚟係想話我，阻住我翻去訓教既時間。一翻到去就訓著咗，發咗個好奇怪既夢，我夢到我呀爸同埋我呀媽.....

《記住人定勝天 即使荒廢了十年-天外飛仙》

## 十五.聖誕(四)

個夢入面，我見到呀媽係度寫緊信，呀爸係度打緊文件，佢哋好似見我唔到，然後呀媽寫完封信就將封信擺咗係佢哋既床頭櫃最底個格，

「希望佢兩兄弟唔好咁快睇到封信，當佢哋睇到封信就證明佢哋遇到麻煩野」

「到時佢兩兄弟識自己解決架啦，我對佢哋兩個好有信心，特別係宇誠，將來公司就係交比俾佢架啦，而我都相信泳茵會幫佢幫佢細佬」

「望就咁望啦」去到li度我訓醒咗，第一時間係搵封信，結果真係有li封信

「泳茵宇誠，當你哋睇到封信既時候，我諗我同呀爸都已經唔係度啦，唔知依家你哋幾多歲呢？Any way，你哋兩個係咪遇到麻煩呢，如果唔係都唔會睇到封信啦，定係你哋兩個咁叻自己搵到封信出嚟？無論你哋係有麻煩定係自己搵封信出嚟，媽咪都想同你哋講，有時候做人唔一定要有仇報仇，除非人哋逼到你哋冇路走，如果唔係你哋都唔好還手，有時候以德報怨，都好過有仇報仇，但係如果個個人咁逼人既話，你哋就要還手啦，媽咪留低咗十億俾你哋兩個用，我相信你哋會識得用個十億架啦，但係你哋點都要記住唔好持住自己有錢就可以到處蝦人呀。同埋你哋兩個一定要管理好公司，唔好冇咗間公司呀！愛你既媽咪」睇完封信眼開始有D淚水流出嚟，點解呀媽一早已經預定自己會好快死同埋估到我哋兩個將來會遇到麻煩，然後影咗張相俾家姐睇，家姐只係覆咗句「我一早睇咗啦，只係個陣你先F1所以冇俾你睇，驚你持住自己有錢就蝦蝦霸霸」

我覆佢「頂你啦」覆完佢之後就赴約，約咗班學生會既幹事出嚟食飯，順便講多次Christmas Party大家既分工。

我約佢哋7:30係上次選舉完食飯既酒樓等，然而我訓醒既時候已經7:00，由我屋企去學校附近要15分鐘，我睇完信，wts完家姐就隨便咁著件Champions Hoodie，牛仔鬍，一條牛仔褲，加對vens就出門口，標準頹廢look。結果遲咗5分鐘到，一去到就見到全部幹事到咗，而周文豪都嚟咗坐係曉琳隔離，

「宇誠，文豪話佢冇屋企翻，所以佢跟埋我哋嚟食，得唔得？」曉琳好驚咁問

「得，點會有問題呢，話晒佢都係因為我而冇屋企翻」當然啦，後面個句我冇講出嚟

同樣地，今次大家都叫咗酒飲，曉琳飲咗一半就醉咗，我就叫咗周文豪出嚟

「知唔知點解你會冇屋企翻？」

「係咪又係你做既嘢？」

「聰明，今朝你老豆老母被我個friend捉咗，然後我係佢哋面前收購周氏電訊公司同埋要佢哋離開香港，留你係香港被我玩」

「你真係好撻仆街，點解你要咁做」

「因為個陣你行過嚟聊我，我唔玩翻你，點對得住自己。仲有曉琳同咗我表白，如果我同佢講你哋屋企已經冇錢既話，我相信佢會離開你，你都係做好心理准备啦」

「陳宇誠，你好嘢」

同佢講完之後，同樣地都係擺低錢就送曉琳翻屋企，今次佢醉得比上次勁，一路都冇出聲，直到到咗曉琳屋企樓下

「宇誠，係咪你送我翻嚟？」

「係呀，你以後都唔駛同周文豪一齊啦」

「點解？」

「我做咗D嘢，令到佢哋屋企冇晒錢啦」

「你做咗D咩？」

「秘密，遲D有機會同你講吖」

送咗佢翻上去，我就翻屋企，翻到去沖個涼就訓，準備好迎接聽日既Christmas Party。

《仍會期望 你仍然或者需要我-護航》